



Broj: 20-04-230-530/22  
Sarajevo, 23.03.2022. godine

**SKUPŠTINA KANTONA SARAJEVO**  
**KABINET PREDSDJEDAJUĆEG I ZAMJENIKA PREDSDJEDAJUĆEG**  
**SKUPŠTINE KANTONA SARAJEVO**  
*n/r Predsjedavajućeg Skupštine - Elvedin Okerić*

**PREDMET:** Zastupničko pitanje zastupnice Jasmine Biščević Tokić, odgovor, dostavlja se.-

**VEZA:** Vaš akt broj: 01-04-10427-9/22 od 15.03.2022. godine

Dana 15.03.2022. godine, na 49. Radnoj sjednici Skupštine Kantona Sarajevo, zastupnica u Skupštini Kantona Sarajevo Jasmina Biščević Tokić postavila je zastupničko pitanje Ministarstvu za odgoj i obrazovanje, Kantonalnoj upravi za inspeksijske poslove i Uredu za borbu protiv korupcije i upravljanje kvalitetom Kantona Sarajevo, vezano za konkursnu proceduru za popunjavanje upražnjenih radnih mjesta u J.U. Osnovna škola ŠIP u školskoj 2021/22 godini (javni oglas od 28.12.2021. godine i ispravka dijela javnog oglasa od 07.01.2022. godine).

S tim u vezi, informišemo Vas da je Ured za borbu protiv korupcije i upravljanje kvalitetom Kantona Sarajevo dana 10.01.2022. godine zaprimio prijavu o navodnim nepravilnostima iz oblasti zapošljavanja - postupka prijema u radni odnos u J.U. „Osnovna škola Šip“ Sarajevo, te je ista od strane Ureda dana 11.01.2022. godine dostavljena na dalje postupanje Kantonalnoj upravi za inspeksijske poslove Kantona Sarajevo, kao nadležnom organu.

Dana 04.02.2022. godine Ured je zaprimio povratnu informaciju Kantonalne uprave za inspeksijske poslove o izvršenom inspeksijskom nadzoru, u kojoj je navedeno da su utvrđene određene nepravilnosti, te da će postupajući inspektor rada djelovati upravnom mjerom rješanjem o upozorenju (kopija informacije KUIP-a o izvršenom inspeksijskom nadzoru je u prilogu ovog akta).

S poštovanjem,



Dostaviti:

1. Naslovu;
2. a/a.





04-02-2022

625

Bosna i Hercegovina  
Federacija Bosne i Hercegovine  
KANTON SARAJEVO  
Kantonalna uprava za inspeksijske  
poslove



Босна и Херцеговина  
Федерација Босне и Херцеговине  
КАНТОН САРАЈЕВО  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
CANTON SARAJEVO  
Cantonal Administration for Inspection Issues

Broj: 14-09-30-00629/22  
Sarajevo, 02.02.2022.godine

1-4-02-2022

120	04	1230	163
-----	----	------	-----


KANTON SARAJEVO  
Ured za borbu protiv korupcije i upravljanje kvalitetom  
(Na pažnju šefa ureda Erduana Kafedžića)

**PREDMET: Informacija, dostavlja se;**  
**VEZA: Vaš akt broj: 20-04-230-33/22 od 11.01.2022.godine**

Vezano za Vaš akt broj i datum veze, kojim tražite usmjereni inspeksijski nadzor iz oblasti radno-pravnih odnosa kod poslodavca JU OŠ "Šip", u prilogu akta dostavljamo Vam informaciju postupajućeg inspektora.  
S poštovanjem,

*Prilog: kao u tekstu.*

Dostavlja se:  
1. Naslovu  
2. a/a



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)  
+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890  
Sarajevo, Aleja Bosne Srebrene bb



Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina

**CANTON SARAJEVO**  
Cantonal Administration for Inspection Issues

**Inspektorat rada, zaštite na radu i socijalne zaštite**

**Broj: UP- 1-14-09-30-00629/22-09/33-002**

**Sarajevo, 02.02.2022.godine**

**PREDMET: Informacija,**


Inspektorat rada zaštite na radu i socijalne zaštite, Inspekcija rada zaprimila je od strane Ureda za borbu protiv korupcije i upravljanje kvalitetom Kantona Sarajevo zahtjev za vršenje inspekcijskog nadzora kod poslodavca JU OŠ "Šip".

Predmetnim zahtjevom traži se da se utvrdi način prijema u radni odnos sekretara škole, bibliotekara škole i samostalnog referenta za plan i analizu, potom se traži da se utvrdi način formiranja i rada komisije za utvrđivanje prijedloga za izbor radnika ustanove, utvrdi usklađenost internih akata ustanove (Pravilnika o radu i Pravilnika o sistematizaciji radnih mjesta) sa zakonom, usklađenost naziva radnih mjesta (pozicije 4. i 5.) sa zakonom, te usklađenost visine plata (pozicije 1.- 23.) sa zakonom i kolektivnim ugovorom.

Prema izjavi lica prisutnog nadzoru utvrđeno je da je ova javna ustanova dana 28.12.2021.godine raspisala javni oglas za popunu ukupno 27 upražnjenih radnih mjesta, te je konkursna procedura još uvijek u toku. Prema izjavi lica prisutnog nadzoru u momentu inspekcijskog nadzora poslove radnog mjesta sekretara i bibliotekara ne obavlja niko. Ovo iz razloga što se za obavljanje poslova radnog mjesta bibliotekara još uvijek nisu stekli uslovi zbog neopremljenosti školske biblioteke. Prema izjavi lica prisutnog nadzoru škola je za obavljanje poslova radnog mjesta Referenta za plan i analizu angažovala agenciju VORTT kao i niz drugih škola.

Nadalje uvidom u saglasnost resornog ministarstva broj: 11-30-46804-4 od 20.12.2021.godine a kojom se predmetnom subjektu nadzora daje saglasnost za raspisivanje javnog konkursa za popunu upražnjenih radnih mjesta na određeno vrijeme od okončanja konkursne procedure do 31.08.2022.godine za ukupno 27 radnih mjesta utvrđeno je da se u istoj pod tačkom 4. navodi radno mjesto "Nastavnik likovne kulture", dok se pod tačkom 5. navodi radno mjesto "Nastavnik muzičke kulture". Uvidom u Pravilnik o unutrašnjoj organizaciji i sistematizaciji radnih mjesta predmetne javne ustanove broj: 01-III/21 od 20.12.2021.godine utvrđeno je da su u istom navedena radna mjesta sa sljedećim nazivom: Nastavnik likovne kulture i Nastavnik muzičke kulture.

Uvidom u tekst predmetnog javnog oglasa utvrđeno je da je na poziciji 4. navedeno radno mjesto "Nastavnik likovne kulture i odgoja", dok je na poziciji 5. navedeno radno mjesto "Nastavnik muzičke kulture i odgoja". Prema izjavi lica prisutnog nadzoru riječ je o tehničkom pogrešci u nazivu navedenih radnih mjesta, te će se sa izabranim



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

kandidatima zaključiti ugovori o radu za obavljanje poslova radnih mjesta propisanih Pravilnikom o unutrašnjoj organizaciji i sistematizaciji radnih mjesta.

U vezi dijela zahtjeva kojim se traži utvrđivanje načina formiranja i rada Komisije za utvrđivanje prijedloga za izbor radnika ustanove na osnovu uvida u Rješenje Školskog odbora o imenovanju Komisije za izbor zaposlenika broj: 01-02-III-22/21 od 20.12.2021.godine utvrđeno je da su u navedenoj komisiji imenovani Irhad Čovrk, Mirela Hasanović i Samra Omerefendić. Prema izjavi lica prisutnog nadzoru navedene osobe su do 22.12.2021.godine bile članovi Školskog odbora, te su po isteku mandata imenovani nastavili sa radom u svojstvu članova Komisije za izbor zaposlenika po predmetom javnom oglasu. Ovo iz razloga što su školi trenutno angažovani nastavnici u skladu sa članom 115.stav (1) tačka a) Kolektivnog ugovora te niko od navedenih nastavnika nije mogao ni biti imenovan kao član komisije obzirom da je za očekivati da će isti biti kandidati po raspisanom predmetom javnom konkursu što bi u konačnici predstavljalo sukob interesa. Takođe u školi nije formirana sindikalna podružnica te shodno tome nije ni imenovan sindikalni povjerenik, a koji je Pravilnikom s kriterijima za prijem radnika u radni odnos predviđen kao obavezni član komisije.

Utvrđeno je i da Pravilnik o radu predmetnog subjekata nadzora na snazi nije u cijelosti usklađen sa Kolektivnim ugovorom za djelatnosti predškolskog odgoja i osnovnog odgoja i obrazovanja u Kantona Sarajevo ("Sl.novine KS "broj 36/20 i 32/21) niti sa Pravilnikom sa kriterijima za prijem radnika u radni odnos u predškolskim ustanovama,osnovnim i srednjim školama kao javnim ustanovama čiji je osnivač Kanton Sarajevo ("Sl.novine KS"br. 29/21 i 52/21).

Pored naprijed navedenog analizom teksta predmetnog javnog oglasa od 21.12.2021.godine utvrđeno je da je u istom navedeno da je za radno mjesto nastavnika i stručnog saradnika naveden iznos osnovne plaće 1165,50 KM za puno radno vrijeme.

Obzirom da se plaća utvrđuje množenjem osnovice sa koeficijentom koji se shodno odredbama odnosnog kolektivnog ugovora na snazi utvrđuje prema zvanju i stručnoj spremi radnika u predmetnom javnom oglasu poslodavac je bio u obavezi da navede iznose plaća u skladu sa zvanjima i stepenom stručne spreme za svako pojedinačno radno mjesto, a ne isključivo na način kako je to navedeno u konkretnom slučaju.

Zbog naprijed navedenog inspektor rada će prema predmetnom poslodavcu djelovati upravnom mjerom rješenjem o upozorenju, a kojim će predmetni poslodavac biti upozoren na obavezu pravilne primjene člana 6. stava (1) tč. h), člana 19. i čl.31. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama čiji je osnivač Kanton Sarajevo ("Sl.novine KS"br. 29/21 i52/21, te na obavezu usklađivanje svojih općih akata sa Kolektivnim ugovorom za djelatnosti predškolskog odgoja i osnovnog odgoja i obrazovanja u Kantona Sarajevo ("Sl.novine KS "broj 36/20 i 32/21)



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb